

आकाशवाणी

खबरां ----

1. मुख्य भरै च अज्जै थमां हर घर तिरंगा अभियान शुरू, केई चाल्ती दे कार्यक्रम आयोजित, चौन्नें पास्सें देश प्यार ते राश्ट्री एकता दा नजारा।
2. गृह मंत्री अमित शाह होरें आखेआ जे त्रै नमें आपराधिक कनून आह्वने दा मकसद षेकनालजी आधारित बवस्था राएं समेंसिर न्याय दोआना।
3. मल्लापुर केरलम च भारी मात्रा च विस्फोःक बरामदगी आह्वे मामले च एन.आई.ए नै इक होर आरोपी गी कीता गिरफ्तार।
4. ओडिशा च अज्ज पेदी बरखा दे बाद दरेयाएं च पानी दा स्तर बधेया, उत्तराखंड ते छत्तीसगढ़ च बी भारी बरखा दा अलः।
5. चीन च डाल्फिन चक्रवाती तूफान कोला पैहले 1300 ब्हाई डोआरियां रद्द, 3 लक्ख लोकें गी सुरक्षित थाहरें पुजाया गेआ।
6. कोरिया मास्ःर्स 2026 च भारत दी बैडमिंःन खडारन अश्मिता चालिहा नै अपना पैहला बी.डब्ल्यू.एफ विश्व पूर खताब जित्तेआ।

<><><><><><>

VP-Tricolor Housing

मुख्य भरै च अज्जै थमां हर घर तरंगा अभियान शुरू होई गेआ ऐ जेहड़ा 17 अगस्त धोड़ी जारी रौहग। इस ब'रे एह् अभियान राश्ट्री गीत वंदे मातरम दी 150मीं ब' रेगंड दे

विशेष मौके दे कन्नै मनाया जा' रदा ऐ जेहदे तैहत तरंगा जातरा, रैलियां ते वंदे
मातरम दा सामूहिक गान जनेह कार्यक्रम आयोजित कीते जा'रदे न। उपराश्ट्रपति सी.
पी राधाकृष्णन होरें अज्ज हर घर तिरंगा अभिजान दे इक हिस्से दे तौरा पर अंडमान ते
निकोबार द्वीप समूह दी राजधानी श्री विजयापुरम च फ्लैग प्वाइं पर राश्ट्री झंडा
फहराया। इस मौके पर उनें बहादुर स्वतंत्रता सैनानियें गी श्रद्धांजलि भें कीती।
उपराश्ट्रपति होरें डा. बी.आर अम्बेडकर इंस्टीच्यू आफ टेक्नोलोजी दे सभागार च
लोआए गेदे राजकीय समारोह च वंदे मातरम पर तिरंगा कंसर् च बी हिस्सा लैता।
अपने संबोधन च उपराश्ट्रपति होरें भारत दी आजादी दी लड़ाई कन्नै जुडे दे अंडमान ते
निकोबार द्वीप समूह दे गौरवपूर्ण इतिहास बारै गल्ल कीती।

<><><><><><><>

Amit Shah

केंद्री गृह मंत्री अमित शाह होरें अज्ज पुदुचेरी च गोरिमेडु पुलस ट्रेनिंग स्कूल दे मैदान
च पुलसे गी राश्ट्रपति पुलस ध्वज प्रदान करदे होई आखेआ कि सरकार आसेआ आंदे
गेदे त्रै आपराधिक कन्नू नमीं टेक्नोलोजी, समें-सीमा ते विकास दे आधारित ऐसी
बवस्था तैयार करने लेई बनाए गे न तां जे नागरिकें गी तौले न्याय दोआया जाई सकै।
उनें आआखेआ जे एह त्रै नमें कन्नू च तकनीक दे इस्तेमाल करने, जांच लेई समें-सीमा
तैह करने ते न्याय बवस्था च लोकें दा विश्वास होर मजबूत करने दे मकसद कन्नै आंदे
गे न।

<><><><><><><>

Iran US Concessions

ईरान नै होमुर्ज जलडमरूमध्य खोलने शा पहले अमरीकी रियायतें पर जोर भरेआ ऐ। ईरान दे सुरक्षा प्रमुख मोहम्मद बाघेर जोलगदर नै अमरीका लेई मंगें दी इक लिस् जारी कीती ऐ जिसी ईरान दे होमुर्ज जलडमरू मध्य गी परतिये खोलने शा पहले पूरा करना होग। सरकारी मीडिया आसेआ जारी कीती गेदी इस लिस् च यू.एस नोसेना दी नाकाबंदी हाने, फौज गी वापस बलाने ते जंग गी पक्के तौरा पर खत्म करने जनेई गेंई शामिल न। ईरान दी सुप्रीम नेशनल सिक्योरिटी काउंसल दे सेक्रेरी जोलगदर होरें अमरीका गी इब्बी आखेआ ऐ जे ओह जंग थमां होए दे नुकसान लेई ईरान गी मुआवजा दे।

<><><><><><><>

Canada Wild Fire

कनाडा च बरतानिया कोलंबिया दे पच्छमी प्रांतें च इमरजेंसी दा ऐलान करी दिता ऐ। उत्थें बड़ी तेजिया कन्नै फैला'रदी जंगली अग्ग नै ना शइज लोके दे घरें गी तबाह कीता ऐ बल्के नेकां लोक अग्ग च फसे दे न जिस करियै 20 जहार शा मते लोके गी अपे घरें गी छोड़ने लेई मजबूर होना पेआ ऐ। प्रीमियर डेविड एबी होरें इमरजेंसी दी घोशणा उसलै कीती जिल्ले पूरे प्रांत च 100 शा बद्ध जंगल अग्ग दी लपे च आई गे जिंदे चा अद्दे शा बद्ध काबू थमां बाहर न। एबी होरें आखेआ जे किश अग्ग च फसे दे लोके गी बचाया गेआ ऐ। समरलै।ड दे पूरे समुदाय जित्थें तकरीबन 12 जहार लोक रौहंदे न, रातो-रात

खाली करने दे हुक्म जारी कीते गे न। एहदे अलावा कन्नै आहले पीचलैंड ते ओदे आले-
दोआले दे तकरीबन 8 ज्हार लोकेँ गी सुरक्षित थाहरें पर पजाई दिता गेआ ऐ।

<><><><><><><>

NIA-Arrest

राश्ट्री जांच एजेंसी-एन.आई.ए नै केरल दे मलप्पुरम च गैर कन्नूनी विस्फोटक बरामदगी
मामले च इक होर आरोपी गी गिरफ्तार कीता ऐ। मंजेरी थमां गिरफ्तार कीता गेदा
हरीष पी.ए नां दा एह आदमी मन्नेआ जा'रदा ऐ कि इस मामले च मुख्य साजशकर्ता
ऐ। इस मामले च एह 10मीं गिरफ्तारी ऐ जेड़ा 7 फरवरी 2026 गी बरामद होई दी 89
ज्हार 600 विस्फोटक छड़ें ते 10 ज्हार 600 शाक ंयूबें दी बड्डी खेप कन्नै जुडे दा ऐ।

<><><><><><><>

Property-Attached

कश्मीर घापी दे बारामूला जिले च पुलिस नै आतंक कन्नै जुडे दे इक मामले च कार्रवाई
करदे होई तकरीबन 70 लक्ख रुपें दी जदाद गी जब्त कीता ऐ। पुलिस नै दस्सेआ जे
2008 दरान आतंकवाद कन्नै जुडे दे इक मामले च कन्नूनी कार्रवाई कीती गई ऐ ते
अदालत दे हुक्म मताबक 63 लक्ख 82 ज्हार रुपें दी प्राप्ती गी औच कीता गेआ ऐ।
पुलिस नै इब्बी दस्सेआ जे एन.आई.ए दी अदालत थमां इक्क होर दुए आरोपी खलाफ
बी हिरासती वरं थहोआ ऐ। औच कीती गेदी जैदाद च आरोपी दी 12 कनाल जिमी बी
शामल ऐ।

<><><><><><><>

Odisha Fresh Rains

ताजा बरखें कन्नै ओडिशा च हाडें सरबंधी चेंता फही बधी गेई ऐ। केई नदियां परतिये उफान पर आई गेदियां न जिसले के केई इलाकें अजें बी हाल च आए दे हाडें शा उभरने च लग्गे दे न। बालासोर च जलाका ते भद्रक च बैतरणी ते सलांदी च बाद्दा होआ ऐ ते संबलपुर च हीराकुंड बांध दे 12 दरवाजे राहें हाडें दा पानी छोड़ेआ जा'रदा ऐ। मती बरखा दी शेंका दे मद्देनजर अधिकारी दरेयाएं दे कंडे ते संवेदनशील इलाकें पर नेडमी तक्क रक्खा'रदे न। बालासोर च मयूरभंग दे उप्परले जलग्रहण इलाके च भारी बरखा दे बाद जलाका दरेया दे उफान पर होने दे चलदे बास्ता च हालात इक बारी फही गंभीर होई गे न।

<><><><><><><><>

Assam Flood Situation

सरकारी जानकारी मताबक असम च हाडें दी स्थिति अजें बी बड़ी गंभीर बनी दी ऐ ते इक होर व्यक्ति दी मौती दे बा मरने आहलें दी गिनतरी 99 तगर पुज्जी गेई ऐ ते 1 लक्ख 47 जहार शा मते लोक अजें बी प्रभावित न। असम आपदा प्रबंधन प्राधिकरण नै आखेआ ऐ जे ताजा मौत गोलाघाट जिले च होई ऐ।

<><><><><><><><>

Weather

मौसम विभाग नै केन्द्र शासित प्रदेश जम्मू-कश्मीर च अगले किश दिनें दौरान रुकी-रुकिए बरखा ते अंधी-झक्खड़ झुलने दी पेशनगोई कीती ऐ। मैहकमे दा आखना ऐ जे इस दरान दिनें मगरा किश थाहरें पर बरखा पेई सकदी ऐ। इस दौरान बदल फटने ते

चान-चक्क हाड़ औने दी शैंका थमां बी इंकार नैई कीता जाई सकदा। प्रशासन नै लोकें गी जारी परामर्श च खास तौर पर जम्मू-श्रीनगर राश्ट्रीय जरनैली सिड़क पर यात्रा करने थमां पैहले जारी हिदायतें दी पालमा करने लेई आखेआ ऐ।

<><><><><><><><>

Punjab Grain Stocks

केंद्र सरकार अगले म्हीने दी 20 तरीक तगर पंजाब दियें मंडियें च पेदे 18 लक्ख मीट्रिक टन अनाज दे पराने भंडार दा स्टॉक ठोआने लेई सहमत होई गेआ ऐ तां जे राज्य च मूंजी दी बाढ़ू फसल लेई स्टोरेज दी थाहर खाली कीती जाई सकै। आकाशवाणी संवाददाता रिपोर्ट ऐ जे पंजाब थमां इस बरे केंद्री पूल च बेहतर म्यार दे 170 लक्ख मीट्रिक टन चौलें दी सप्लाई कीते जाने दी मेद ऐ।

<><><><><><><><>

MP-Prisoners Sentence

सुतंत्रता दिवस दे मौके पर मध्य प्रदेश च 124 हकदार कैदियें दी सजा घट्ट करी दिती जाहग। इंदे चा उम्रकैद दी सजा कट्टारदे 118 कैदियें गी तौले गै रिहा करी दिता जाहग। 6 होर दुए हकदार कैदियें गी कोहदे तौरा पर छूट दिती जा'रदी ऐ। एह फायदे बेहतर आपसी बवहार, अनुशासन ते होर दुए तय नियमें मताबक दिते जा'रदे न।

<><><><><><><><>

High Court Judges

केंद्र सरकार ने चार हाईकोर्ट च 30 नमें जजें दी नियुक्ति कीती ऐ। इंदे च मद्रास, कलकत्ता, मध्य प्रदेश ते कर्नाटक हाईकोर्ट शामिल न। सबन शा मते 15 जजें दी नियुक्ति

मद्रास हाईकोर्ट च होई ऐ। एह्दे अलावा कलकत्ता हाईकोर्ट च 8, कर्नाटक हाईकोर्ट च 6 ते मध्य प्रदेश हाईकोर्ट च इक जज दी नियुक्ति कीती गई ऐ। कन्न ते न्यास मंत्रालय मूजब, इ'नें 30 जजें च 20 वकील ते 10 न्यायिक अधिकारी शामिल न। इ'नें नियुक्तियें गी राष्ट्रपति होरें भारत दे मुख न्यासधीश ते सुप्रीम कोर्ट कॉलेजियम कन्नै सलाह दे मगरा मंजूरी दिती ऐ। नमें नियुक्त कीते गेदे जज तौले गै संगंध चुक्कियै अपना कार्यभार सांभी लैडन। इ'नें नियुक्तियें कन्नै एकडे चौनें हाईकोर्ट च जजें दी कमी दूर करने ते बकाया पेदे मामलें दे नबेडे च तेजी औने दी मेद ऐ।

<><><><><><><>

China Flights Cancelled

चीन च शंघाई दे दो ब्हाई अड्डें अपनियां 1300 शा बद्द डोआरियां रद्द करी दित्तियां ते अधिकारियें आले-दोआले दे इलाकें च 3 लक्ख शा बद्द लोकें गी दुइयें ांिहरें पर भेजी दिता ऐ कीजे चीन डाल्फिन ाइफून यानि चक्रवात कन्नै निब्बडने दियां तैयारियां करा'रदा ऐ। तूफान दे बाहरले बैंड कल राजधानी ताइपे सने उत्तरी ताइवान कन्नै ाकराए जेदे कन्नै बरखा बरी। ताइवान दियें एयरलाइंस नै बी मौके दी संजीदगी गी पंछानदे होई चीन ताई अपनी डोआरियें गी रद्द करी दिता ऐ।

<><><><><><><>

JK- Leprosy Allocation

केंद्री सेहत ते परिवार कल्याण मंत्रालय आसेआ लोकसभा च दिती गेदी जानकारी मताबक पिछले 5 बरें दरान जम्मू-कश्मीर गी पी.बी गी खत्म करने आह्ने राश्ट्री सतह आह्ने अभिजान एन.पी.ई.पी तैहत 173.44 करोड़ रपे जारी कीते गे न। आकाशवाणी दे

जम्मू संवाददाता नै दस्सेआ जे केंद्री सेहत राज्यमंत्री अनुप्रिया पटेल हुंदे परते मताबक जम्मू-कश्मीर गी 2021-22 च 23 करोड़, 2022-23 च 23.64 करोड़ 26 करोड़ 2023-24 दरान, 2024-25 च 35.33 करोड़ ते 65.47 करोड़ बरे 2025-26 लेई जारी कीते गे न।

<><><><><><><>

Kanwaryas Killed

पंजाब च अज्ज बड़लै सरहिंद जी.पी रोड पर होए दे इक सड़क हादसे च 3 कांवड़ियें दी मौत ते इक्क होर दुआ सख्त तौरा पर जख्मी होई गेआ। हादसा उसलै पेश आया जिसलै इक्क कार दी कांवड़ियें कन्नै ँक्कर होई। एह उत्तराखंड दे गंगोत्री थमां पवित्र जल लेइये पंजाब दे फरीदकोट जिले दे कोठकपूरा परतोआ करदे हे।

<><><><><><><>

SANJY-Suspended

श्री अमरनाथ जी दी जात्रा अज्ज बी खराब मौसम ते रस्ते दी खराब हालत दे चलदे रोकी रक्खी गेदी ऐ। बालपाल ते पहलगाम दौने रस्तेया जात्रा रोकने दा एह फैसला जात्रा रस्ते दी खराब हालत ते मौसम विभाग आसेआ जारी चेतावनी गी ध्यानै च रखदे होई एहतियात दे तौरा पर लैता गेआ ऐ। कल शनिवारें 3 जहार 336 शरदालुएं पविता गुफा च मत्था ठेकेआ हा जेदे कन्नै गै इस बरे दी जात्रा दरान पवित्र गुफा दे दर्शन करने आह्ले शरदालुएं दी गिनतरी 4 लक्ख 80 जहार 19 होई गई ऐ। प्रशासन दा आखना ऐ कि मौसम साफ ते रस्ता पूरी चाल्ली सुरक्षित होई जाने तगर जात्रा फिलहाल रोकी रक्खी जाहग ते कुसै बी जात्रु गी अगड़े जाने दी खुल्ल नेई दिती जाहग।

<><><><><><><>

GMC Jammu Ranking

जम्मू दे सरकारी मेडिकल कालेज जी.एम.सी नै अपने मान कन्नै भरोचे दे सफर च इक्क होर मील दा पत्थर जोड़दे होई अंतरराष्ट्री सतह आह्नी आई.आई.आर.एफ 2026 दी रैंकिंग च 105मीं थाहर हासल कीती ऐ। जम्मू-कश्मीर एह दुई ते समूलचे उत्तरी क्षेत्र च 33मीं थाहर ऐ। इस रैंकिंग च देस भरै दे 823 मेडिकल कालजें हिस्सा लैता हा। संस्थान नै 1000 च 804.25 स्कोर हासल कीता। आई.आई.आर.एफ इक्क गैर सरकारी संगठन ऐ जेड़ा उच्ची सतह आह्ने शिक्षा संस्थानें दी सालाना रैंकिंग जारी करदा ऐ।

<><><><><><><>

Badminton

बैडमिंटन च भारत दी अश्विनी चालिहा नै अज्ज कोरिया मास्सर्स टूर्नामेंट च महिला सिंगल्स चैंपियनशिप जिती लैती ऐ। अश्विनी नै चीन दी हान कियान शी गी हराया। शफलर नै पहली गेम हारने मगरा वापसी करदे होई 53एं मिं च 14-21, 21-14, 21-14 कन्नै जित दर्ज कीती। इस जित दे कन्नै गै उन्नै अपना पहला बीडब्ल्यूएफ टाइटल अपने नां कीता।

<><><><><><><>

World Athletics- U 20

अमरीका च 20एं बरें थमां हेठली बरेसू दी एथलेटिक्स चैंपियनशिप च भारत दे पदकें दी गिनतरी बढियै 3 होई गई ऐ। बसंत कुमार मेघवाल नै अज्ज हाई जंप च चांदी दा तगमा जिल्ले के शाहनवाज खान नै लांग जंप च कैंस दा पदक अपने नां कीता। मर्दे दे

हाई जंप च 19 बरें दे मेघवाल होरें 2.12 मीटर दा अमपनी व्यक्तिगत बेहतरीन प्रदर्शन
करदे होई चांदी दा तगमा हासल कीता।

<><><><><><><>